



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd singulis diebus dominicis in Quadragesima fideles communicandi
sint. xix.

urn:nbn:de:hbz:466:1-10722

Eucharistiā intrepidus & securus. Sed hoc de illo dico mortalia peccata non grauant.

De eadem re. Cap. XVI.

Ex dictis eiusdē ad Ianuariū

DIxerit quispiam, non quotidie accipiendam Eucharistiā, alius affirmet quotidie. Faciat vnusquisque quod secundum fidem suam piē credit esse faciendum. Quae enim litigauerunt inter se, aut quisquam eorum se alteri praeponit, Zacharus & ille Centurio, quum alter eorum gaudens in domo sua suscepit dominum, alter dixerit domino, non sum dignus vt intres sub tectum meum: ambo uatorem honorificantes, quamuis non vno modo: ambo caris miseri, ambo misericordiam consequuti. Ad hoc va quod manna secundum propriam voluntatem in ore cuiusque sapiebat.

Laici ter minimum in anno communicent.

Caput XVII.

Ex epist. Fabii pa. cap. 4.

VT si non frequentius, vel ter laici homines communicent in anno, nisi fortē quis maioribus quibuslibet rebus impediatur, id est, in Pascha & Pentecoste, & in festiuitate domini.

An Eucharistiā qui semper peccat, semper accipere debeat. Cap. XVIII.

Ex dictis Cypria. & aliorū sanctorū patrum.

SANCTUS Cyprianus dixit: Eucharistiā quotidie ad cibum salutis accipitur. Sanctus Ambrosius dixit: Si quocumque effunditur sanguis Christi in remissionem peccatorū effunditur, deo semper accipere qui semper peccat, deo semper habere medicinā. S. Hylarius episcopus dixit: tanta nō sunt peccata vt excōmunicetur quis, nō se deo medicina corporis dñi separare. Vnde timendū est, ne abstractus à Christi corpore, alienus remaneat à salute. manifestū est eos viuere, qui corpus eius attingunt, ipse dicente: Nisi manducaueritis carnem filij hominis, & biberitis eius sanguinem, nō habebitis vitam in vobis. Qui eucharistiā peccare quieuit communicare non desinat.

Quod singulis diebus dominicis in Quadragesima fideliter communicandi sint. Cap. XIX.

Ex dictis Siluerii pap. ca. 3

Singulis diebus dominicis in Quadragesima, praeter illos qui excommunicati sunt, & praeter illos qui in publicis poenitentia sunt, sacramenta corporis & sanguinis Christi sumenda sunt: & in coena domini, in vigilia Paschae, &

die resurrectionis domini, & Pentecostes, & in Natali domini, penitus ab omnibus communicandum est.

Ut in cœna domini Eucharistiæ perceptio non negligatur. Cap. XX.

IN cœna domini à quibusdam perceptio Eucharistiæ negligitur. Quæ quoniam in eadem die ab omnibus fidelibus, exceptis his quibus pro grauibus criminibus inhibitum est, percipiēda sit, ecclesiasticus vsus demonstrat, quum etiam pœnitentes eadem die ad percipiēda corporis & sanguinis dominici sacramenta, reconcilientur.

De histrionibus & magis, si communionem cum cæteris fidelibus accipere debeant. Cap. XXI.

Cyprianus Eucratiō confratri salutem. Pro dilectione tua & reuerentia, vt ad consulendum me existimasti frater charissime, quid mihi videatur de histrione, & mago illo, qui apud vos constitutus, adhuc in artis suæ dedecore perseverat, & magister & doctor erudiendorum, imò pœdorum puerorum id quod malè didicit, cæteris quoque insinuat, an tali sacra cōmunionem cum cæteris Christianis debeat dari, aut nobiscum communicare: puto nec maiestati diuinæ, nec Euāgelicæ disciplinæ cōgruere, vt pudor & honor Ecclesie, tā turpi & infami contagione fœdetur.

Quandiu vnusquisque ante sacram communionem ab vxore se abstinere debeat. Cap. XXII.

Omnis homo ante sacram communionem à propria vxore abstinere debet tres, aut quinq;, aut septē dies.

Quòd inter catholicos non connumeretur, qui in istis tribus temporibus, Pascha, Pentecoste, Natali domini, non cōmunicat. Cap. XXIII.

Seculares verò, qui in Natali domini, Pascha, & in Pentecoste non communicauerint, catholici non credantur, nec inter catholicos habeantur.

Ut oblatio altaris singulis dominicis diebus fiat.

Caput XXIII.

Decernimus, vt in omnibus dominicis diebus altaris oblatio, ab omnibus viris, vel mulieribus fiat, tam panis, quàm vini, vt per has immolationes à peccatorum suorum fascibus liberentur.